


梵志請問經
比丘聽施經
療痔病經

譬喻經
略教誡經

三百五
學八

49804



元祿九年丙子二月日重脩

皇圖瓊閣 帝階銀昌

佛日增輝 懋修輪常轉

山城州天安寺法金剛院置

藏書館藏



五經同卷

梵志請問經

譬喻經

比丘聽施經

略教誡經

療痔病經

長爪梵志請問經

唐三藏法師義淨奉



如是我聞一時薄伽梵在王舍城鷲峰山中
與大苾芻衆千二百五十人俱并餘苾芻苾
芻尼近事男近事女國王大臣沙門婆羅門
外道之類天龍藥叉人非人等瞻仰而住尔



字八

時世尊為說自證微妙之法所謂初中後善
文義巧妙純一圓滿清淨鮮白梵行之相

尔時有一長爪梵志來詣佛所策杖而立問

云喬答摩汝曾實作如是宜說世由自業業

為能授業為生處業為親族業為所依耶佛

告婆羅門我作是說世由自業業為能授業

為生處業為親族業為所依婆羅門問曰若

如是者沙門喬答摩先作何業令汝獲得全

剛不壞堅固之身佛告婆羅門我於前生遠

難殺害有情命根由彼業力令獲斯果

沙門喬答摩先作何業令汝獲得手指纖長

網縵為相佛告婆羅門我於前生遠離偷盜

他人財物由彼業力今獲斯果
沙門喬答摩先作何業令汝獲得具足色力
諸根圓滿佛告婆羅門我於前生遠離女人
欲邪行事由彼業力今獲斯果

沙門喬答摩先作何業令汝獲得出廣長舌
自覆其面佛告婆羅門我於前生遠離妄語
詭誑於人由彼業力今獲斯果

沙門喬答摩先作何業令汝獲得威儀庠序
如師子行佛告婆羅門我於前生遠離諸酒
放逸之處由彼業力今獲斯果

沙門喬答摩先作何業令汝獲得微妙相好
莊嚴其身佛告婆羅門我於前生遠離歌舞

倡艷之事由彼業力今獲斯果

沙門喬答摩先作何業令汝獲得上妙香氣

吞餽其身佛告婆羅門我於前生遠離香華

瓔珞莊飾由彼業力今獲斯果

沙門喬答摩先作何業令汝獲得受用金剛

勝妙之座佛告婆羅門我於前生遠離高牀

大床嬌恣之物由彼業力今獲斯果

沙門喬答摩先作何業令汝獲得四十牙齒

鮮白齊平佛告婆羅門我於前生遠離非時

飲散諸食由彼業力今獲斯果

沙門喬答摩先作何業令汝獲得頂上肉髻

圓滿妹好佛告婆羅門我於前生於三寶二

師沙門婆羅門父母尊長應恭敬處五輪著
地以無慢心虔致禮由彼業力今獲斯果
時婆羅門見佛為說因果不虛白言喬答摩
此名何福云何受持佛言此名八支淨戒若
能一日一夜或復長從師受持獲果如是
尔持長爪梵志既於佛所聞說八支日夜淨
戒由先遠離鄙惡業故便能獲得勝妙莊嚴
深心信受歡喜踊躍即於佛前捨高慢心投
杖于地合掌恭敬禮佛雙足白言世尊我今
始知善惡之業感報不虛我從今日乃至盡
形歸依佛陀兩足中尊乃至盡形歸依達摩
離染中尊乃至盡形歸依僧伽諸象中尊我

受八支近住淨戒始從今時乃至明日日出
已來於其中間

不害一切命 不盜他財物 不淫不妄語

飲酒放逸處 華莊及歌舞 高大非時食

我今悉遠離 受持淨八支

第二第三亦如是說

學八

佛告婆羅門善哉善哉如是應作如是應持

三

今時世尊說是法已時婆羅門及苾芻衆諸

人天等皆大歡喜信受奉行

長爪梵志請門經

佛說譬喻經



唐三藏法師義淨奉詔譯

如是我聞一時薄伽梵在室羅伐城逝多林
給孤獨園尔時世尊於大眾中告勝光王曰
大王我今為王略說譬喻諸有生死味著過
患王今諦聽善思念之乃往過去於無量劫
時有一人遊於曠野為惡象所逐怖走無依
見一空井傍有樹根即尋根下潛身井中有
黑白二鼠互齧樹根於井四邊有四毒蛇欲
螫其人下有毒龍心畏龍蛇恐樹根斫樹有
蜂蜜五滴隨口樹搖蜂散下螫斯人野火復
來燒然此樹王曰是人云何受無量苦貪彼
少味尔時世尊告言大主曠野者喻於無明

長夜曠遠言彼人者喻於異生象喻無常并

喻生死險岸樹根喻命黑白二鼠以喻晝夜

鬻樹根者喻念念滅其四毒蛇喻於四大蜜

喻五欲蜂喻邪思火喻老病毒龍喻死是故

大王當知生老病死甚可怖畏常應思念勿

被五欲之所吞迫學爾時世尊重說頌曰

曠野無明路人走喻凡夫四大象比魚常

并喻生死岸樹根喻於命二鼠晝夜同

鬻根念念衰四蛇同四大蜜滴喻五欲

蜂螫比邪思火同於老病毒龍方死苦

智者觀斯事急可厭生津五欲心無暑

方各解脫人鎮處無明海常被死生隨

寧知戀聲色 不樂離凡夫
爾時勝光大王聞佛為說生死過患得未曾
有深生厭離合掌恭敬一心瞻仰白佛言世
尊如來大慈為說如是微妙法義我今頂戴
佛言善哉善哉大王當如說行勿為放逸時
勝光王及諸大眾皆悉歡喜信受奉行

佛說譬喻經

佛說比丘聽施經

東晉沙門竺曇無蘭譯

聞如是一時佛在舍衛國祇樹給孤獨園時



有一比丘到講堂諸比丘所言諸賢者今我
不可經法大著睡眠不樂道行疑諸經法座
中有一比丘即行白佛有一比丘字聽施來
到講堂謂諸比丘言今我不可經法大著睡
眠不樂道行疑諸經法佛便報言是比丘癡
不守諸根門不少食不上夜後夜警頌行不
觀諸善法如是當那可經法學八離睡眠樂道行
不疑諸經法聽施終不從此得是

佛言比丘以不守諸根門不少食不上夜後
夜警頌行不觀諸善法彼當那可經法離睡
眠樂道行不疑諸經法終不從此得是若比
丘守諸根門少食上夜後夜警頌行觀諸善

法便可經法離睡眠樂道行不疑諸經法從
是可得此

佛告比丘便呼聽施來比丘便起頭面禮而
佛往呼聽施聽施即至佛所頭面禮佛足已
就座佛便言聽施汝所欲便說之聽施言今
身不可經法大暑睡眠不樂道行疑諸經法
佛謂聽施我欲問若事隨若所以知事說之
佛言若寧知貪色不離欲不離戀慕不離慳
慳不離愛不離以彼色別離時便生他戀憂
愁悲哀痛亂意殞殞有是無聽施言如是若
于從彼有佛言善哉善哉賢者如是應聽施
佛言如彼不離若寧知痛痒思想作行識若

人貪識不離欲不離戀慕不離慷慨不離愛
不離以彼識別離時便生他戀憂愁悲哀痛
亂意殞殞有是不聽施言彼有是佛言善哉
善哉賢者如是應聽施

佛言如彼不離若寧知離貪色離欲離戀慕

離慷慨離愛以彼色別離時不生他戀憂愁
悲哀痛亂意殞殞彼有是無有聽施言彼有

是佛言善哉善哉賢者如是應聽施

佛言如彼離痛痒思想生死行識若不貪識
無有欲無戀慕無有慷慨無有愛以彼識別
離時不生他戀憂愁悲哀痛亂意殞殞如是

應聽施

佛便告聽施我欲為若說經法上亦善中亦善至竟亦善善具為若現道行至竟但諸善善好當聽之持署意中聽施言唯諾

佛言曾有二人俱出在道其一人曉道徑其一人不曉道徑不曉道徑者便住問曉道徑者言我欲至某聚鄉郡懸國願語我道所由曉道徑者便言汝從是道真右行前當有兩道捨左道上右道直右行須臾前當見溪谷溪谷上亦當復有兩道捨左道上右道直右行須臾當見叢樹叢樹上亦當復有兩道捨左道上右道直右行須臾稍得若所欲至聚

卿郡縣國

假言我上頭所譬喻說當知是一切所說亦
 當諦觀此新說上頭新說不曉道徑者謂世
 間邪道亦復謂諸所受邪者所說上頭曉道
 徑者謂如來不著正覺亦復謂諸所受正覺
 者所說左道者謂諸惡人三惡念一者欲念
 二者亂念五者賊害念亦復謂邪見邪念邪
 說學八邪意邪術邪方便邪志邪定亦說右道者
 謂三善念一者出家念二者不亂念三者不
 賊害念亦復謂正見正念正說正意正行正
 方便正志正定所謂兩道者謂人所疑所說
 溪谷者謂瞋恚所說叢樹者謂五樂一者眼
 樂色愛欲可以好色貪著二者耳樂聲色者

此
 以

鼻樂香四者舌樂味五者身樂細軟愛欲可
以好色貪著所說聚鄉郡縣國者謂無為德
佛告聽施是諸佛事我以悲心故說是其欲
度脫者我已慙傷之今彼是若事當以寂靜
樹下空閑一處一心體行若山澤冢間當以
界蕪為食比丘莫貪恣於世間居後悔之是
諸佛行亦諸佛教今佛已說是賢者聽施便
歡喜思惟佛所說

上佛說比丘聽施經

佛說略教誡經



唐三藏法師 義淨奉 制譯

如是我聞一時佛在室羅筏城逝多林給孤
獨園與無量苾芻衆俱。爾時佛告諸苾芻。汝
等當知。於我法中有少欲知足活命之事。謂
我弟子。剃髮染衣。持鉢巡家。乞食自濟。世間
愚人之所輕慢。若有淨信善男子。離俗出家
修行此事。不為王難所逼迫。故不為賊怖負
債驚恐。不存活故。但為發心。於生老病死憂
悲苦惱。生厭離故。欲勤苦蘊煩惱纏縛。盡其
邊際。求解脫。故汝等豈非為此事故。而求出
家。時諸苾芻白佛言。世尊。如是如是。為解脫
故而求出家。汝等苾芻。如有一類罪惡苾芻。

雖復出家性多貪滌於五欲境深生戀著或
起瞋恚生惡尋思心恒放逸不勤策勵常多
忘念不習定門攀緣諸境樂下劣事不希勝
行終無所獲此之惡人猶如何等汝諸苾芻
聽說譬喻如野田中焚死屍木兩頭俱燒中
間穢汙此衣不堪聚落中人及野田人之所
受用我今以此喻彼一類出家懈怠愚癡之
人棄捨俗間諸快樂事沙門義利復不修習
恒生三種不善思惟所謂思惟五欲思惟瞋
害思惟欺誑此之三種不善思惟因何而起
當知皆以無明為因而得生起身壞命終墮
三惡趣是故汝等應勤修習除斷無明我是

大師汝是弟子於我教中要略之事今為汝
說由大悲故由哀愍故為利益故為勝樂故
如我所說汝等應修若在山林蘭若樹下或
在露地汝可善思不應放逸勿於後時心生
悔恨如說修行當得解脫今時世尊說是語
已諸學必芻象歡喜奉行

佛說略教誡經

佛說療痔病經

唐三藏法師 義淨 譯

如是我聞一時薄伽梵在王舍大城竹林園

中與大苾芻衆五百人俱時有衆多苾芻身
患痔病形體羸瘦痛苦縈纏於日夜中極受
憂惱時具壽阿難陀見是事已詣世尊所頂
禮雙足在一面立白佛言世尊今王舍城多
有苾芻身患痔病形體羸瘦痛苦縈纏於日
夜中極受憂惱世尊此諸病苦云何救療
尔時佛告阿難陀汝可聽此療痔病經讀誦
受持繫心勿忘亦於他人廣為宣說此諸痔
病悉得除滅所謂風痔熱痔癢痔三合痔血
痔腹中痔臍內痔齒痔舌痔眼痔耳痔頂痔
手足痔脊背痔糞門痔遍身支節所生諸痔
如是痔瘻悉皆乾燥墮落消滅必瘥無疑皆

應誦持如是神咒即說咒曰

怛姪他 頻闍帝 頻藍謎 室利鞞

室里室里 磨羯失質 三婆跋視 莎訶

阿難陀於此北方有大雪山王中有大娑羅

樹名曰難勝有三種華一者初生二者圓滿

三者乾枯猶如彼華乾燥落時我諸苾芻所

患痔病亦復如是勿復血出亦勿膿流永除

苦痛悉皆平復即令乾燥又復若常誦此經

者得宿命住智能憶過去七生之事咒法成

就莎訶

又說咒曰

怛姪他 呂謎呂謎 捨呂謎 呂末泥 去

捨苦泥 莎訶

佛說是經已時具壽阿難陀及諸大眾皆大
歡喜信受奉行

佛說療痔病經八

梵志請問經

学

長爪

下之巧反

喬答

上渠遙反

綱縵

下莫官反

侶艷

上音昌

芬

馥

上音芳文反下音伏

姝好

上尺朱反

譬喻經

潛

昨益反

鬻

魚結反

螫

呼各反一音釋

比丘聽施經

警

音景

慷

慨

上口下音

朗

反愛

媪媪

反鳥

二

反沒

痛

痒

下音養

唯諾

下上
奴于

各及

果荒

下郎
亦作
荒及

略教誠經

蘭若

下而者及
此云閑寂

療痔經

痔

直里

紫纏

營上紆

除弥

下徒

痔瘻

下音

怛姪

上

丁達

及頰

鳥葛

謎莫

計鞞

步迷

羯居

謁昌

及戶鹽

下字你八

及

及

及

及

及

及

及

山城國綴喜新那村

聖瑞山剛恩菴沙明宗桂書寫之

